

靈交會集此香火爐前乞願某乙闔家受福  
天下蒙恩十方仙童玉女侍衛香煙傳奏向  
來言啓運達  
至真無極玉皇上帝御前

次散座讚

三光甚明曜 天地常湛然 人生在其中  
福祿隨運緣 刑殺有厭會 疾厄期命年  
致使砢砢鬼 潛臻禍咎愆 智者歸大道  
精誠五福田 告下皆迸散 壽命與長延  
七祖咸安樂 幽繫並蒙原 出靖稽首讚  
流芳會帝前

次出戶呪

出陰入陽萬神開通關啓事畢請閉黃房守  
靖玉女明備神宮左右伏立萬神潛寧  
元辰章醮立成曆卷上

元辰章醮立成曆卷下

階三

消本命元辰胎生行年元辰等災  
日某本命行年及胎生兩月年命二元辰上  
所被見諸厄魁網天殺或自相為惡或自相  
刑害並各請其子神和釋分解合神保護令  
得無他

次推解法

干曆 甲乙丙丁戊己庚辛壬癸  
惡神 庚辛壬癸甲乙丙丁戊己  
子神 丙丁戊己庚辛壬癸甲乙  
合神 戊己庚辛壬癸甲乙丙丁

右件陰陽干各將配下十二支也

支曆 子丑寅卯辰巳午未申酉戌亥  
惡神 辰卯申酉寅亥子卯午巳寅未  
子神 寅卯午巳申未戌酉子亥卯  
合神 子丑寅卯辰巳午未申酉戌亥

右件陰陽支配前干為六甲知其為惡  
取其子合

假令本命甲子則惡在庚辰戌請子神丙寅  
某乙合神己丑某乙第一甲本命某惡在庚

謹請子神某乙從官若干人為某和釋自相  
為惡之災消却本命上所見諸厄魁網天殺  
眾災惡害一切解除之為某土合元炁慶養  
性命又請合神某乙從官若干人為某保護  
本命令得無他第二某乙元辰某惡在某謹

請子神某從官若干人為某和釋自相為惡  
云云其如本命創也其  
中有別格當依六具之消却元辰上云云為  
某合玉香吐玉將水保養元精延度臨終之命

又請合神云云為某保護元辰令得無他第  
三胎月例消却胎月上吐舍和氣保養胎  
元又請合神云云第四生月並如上却生月

上吐舍和炁保養生元又請合神云云第五  
行年悉如前却行年上吐舍元炁保護懸命

又請合神云云第六行年元辰云云如上却  
年元辰上吐雄黃合玉香保護行年元精延  
度臨危之厄難又請合神云云保護行年元

辰某令得無他  
右消年命胎生元辰大略如此其中巧妙  
事由多能

次還神

願請其本命神某乙如于元辰神云云胎月

神云云生月神云云行年神云云行年神辰

神云云各還某身中為鎮神擇體依附官室

除凶去害怡神赤子無令越逸若居病云又

請今歲神某假令甲子歲即云甲子王文卿

從官十八人隨歲次神請駕其乘某歲在寅卯

辰駕青龍乘白虎歲在申酉成駕白虎乘青

龍歲在巳午未駕朱雀乘玄武歲在亥子丑

駕玄武乘朱雀手持針藥口含雄黃吐玉香

亦云衛王香吐王漿一合下到某之家詣某身中療治

所苦百疾病從頭至足從左至右周身繞體

經緯百脉調和五内豁然除差保却今年之

中亦云送消却凶邪惡毒災禍鬼症一切並

令消解扶衰度厄皆使無他次其本命某死

炁某從本命神願計願請生炁救神某自命

計得八神為生炁從官如千人為某奉齋章上法信

上詣某天帝某官取本命所屬二十八宿中天帝及官名列星度

宿分解災厄上詣某府某君還取所屬天帝

之府君名勒不死炁之鄉甲乙少陽丙丁太

太陰戊某官庚子北宮寅卯東宮巳午南

巳中央某官官中西西官辰戌丑未中官皆

取本命支干也為某質名易形削除死炁某

神也移名生錄之中延命無窮

假令甲子生人死炁辛未是生炁救神丁巳

崔巨卿從官十人是上詣元明天帝上元宮

列星度宿分解災厄上詣無生府齋童君勸

不死炁之鄉下勤少陽北宮為某質名易形

削除死炁辛未移居生錄之中延命無窮舉

此一例餘足知之

次推六甲神名及從官數

甲巳子午九 乙庚丑未八 丙辛寅申七

丁壬卯酉六 戊癸辰戌五 巳亥四

右以此支干相配即成從官數

甲子王文卿從官十八人乙丑龍委女卿從官

十六人丙寅張仲卿從官十四人丁卯司馬

卿從官十二人戊辰李楚卿從官十人巳巳

何文昌從官十三人庚午馮仲卿從官十七

人辛未王文章從官十五人壬申侯博卿從

官十三人癸酉孫仲房從官十一人甲戌展

子江從官十四人乙亥龐明公從官十二人

丙子邢孫卿從官十六人丁丑趙子玉從官

十四人戊寅虞子卿從官十二人巳卯石丈

陽從官十五人庚辰尹佳卿從官十三人辛

巳陽仲公從官十一人壬午馬子明從官十

五人癸未呂威明從官十三人甲申扈丈長

從官十六人乙酉孔利公從官十四人丙戌

車元昇從官十二人丁亥張文通從官十人

戊子樂石陽從官十四人巳丑范和卿從官

十七人庚寅楮進卿從官十五人辛卯郭子

良從官十三人壬辰武稚卿從官十一人癸

巳史公來從官九人甲午衛上卿從官十八

人乙人杜仲陽從官十六人丙申朱伯眾從

官十四人丁酉藏文公從官十二人戊戌范

少卿從官十人巳亥鄧都卿從官十三人庚

子陽仲叔從官十七人辛丑林衛公從官十

五人壬寅丘孟卿從官十三人癸卯蘇他家

從官十一人甲辰孟非卿從官十四人乙巳

唐丈卿從官十二人丙午魏文公從官十六

人丁未石叔通從官十四人戊申范伯陽從

官十二人巳酉成文長從官十五人庚戌史

子仁從官十三人辛亥左子行從官十一人

壬子宿上卿從官十五人癸丑江漢御從官十三人甲寅明文章從官十六人乙卯戴公陽從官十四人丙辰霍叔英從官十二人丁巳崔巨卿從官十人戊午從元光從官十四人已未時通鄉從官十七人庚申華文陽從官十五人辛酉元玉從官十三人壬戌樂進鄉從官十一人癸亥左右松從官九人右六甲六旬神名從官人數如前各從本命行年胎月生月本命元辰等支干配取所惡之神及子神和釋合神保護依名請之也

次消五音災

某姓音屬角惡在西方金謹請南方丙丁八蠻君六十四官為某解角姓之官却除西宮定禍願請南方榮感星君火德來生東宮角姓之音穰災致福收除太白星白炁之害  
某姓音屬徵惡在北方水謹請中央戊己三秦君千二百官為某解徵姓之官却除北宮定禍願請中央鎮星君土德來生南宮徵姓之音穰災致福收除辰星黑炁之害

某姓音屬宮惡在東方木謹請西方庚辛六戎君三十六官為某解宮姓之官却除東宮定禍願請西方太白星君金德來生中宮宮姓之音穰災致福收除歲星青炁之害  
某姓音屬商惡在南方火謹請北方壬癸五

狄君二十五官為某解商姓之官却除南宮定禍願請北方辰星君水德來生西宮商姓之音穰災致福收除榮感星赤炁之害

某姓音屬羽惡在中央土謹請東方甲乙九夷君八十一官為某解羽姓之官却除中宮定禍願請東方歲星君木德來生北宮羽姓之音穰災致福收除鎮星黃炁之害

次消五鬼絕命災法

坎鬼吏在兌絕命在坤願請巽神字明一部將軍將吏各四千人兵士各四萬人為某延度厄難  
離鬼吏在艮絕命在乾願請震神字玄舉三部將軍將吏各三千人兵士各三萬人為某延度厄難  
震鬼吏在坤絕命在兌願請離神字明上九

部將軍將吏各九千人兵士各九萬人為某延度厄難  
坤鬼吏在震絕命在坎願請艮神字過意八部將軍將吏各八千人兵士各八萬人為某延度厄難

巽鬼吏在乾絕命在艮願請坎神字仁王一部將軍將吏各一千人兵士各一萬人為某延度厄難

兌鬼吏在坎絕命在震願請乾神字昊成六部將軍將吏各六千人兵士各六萬人為某延度厄難

艮鬼吏在離絕命在巽願請坤神字閻冲二部將軍將吏各二千人兵士各二萬人為某延度厄難

乾鬼吏在巽絕命在離願請兌神字見陽十部將軍將吏各七千人兵士各七萬人為某延度厄難

消災却禍安心定志散除眾惡解釋絕命五鬼所忌之官使相順伏消滅鬼炁

次入章

次慰喻五藏依四時五行言之

今春木王肝藏受炁生炁循環噓吸紫府性命泉流潮液所繫願紫微宮使者溫和凝淳源本上出兩眼下迴手脇閉密中房隨節應會功成道泰傳以付心脾肺腎肝以次相連

今夏火王心藏受炁生炁循環噓吸炎府性命泉流潮液所繫願絳宮使者溫和凝淳源本上出脣口下迴心中閉密中房隨節應會功成道泰傳以付脾肺腎肝心以次相連

今秋金王肺藏受炁生炁循環噓吸素府性命泉流潮液所繫願華蓋宮使者溫和凝淳源本上出頰頰下迴肺中閉密中房隨節應會功成道泰傳以付腎肝心脾肺以次相連

今冬水王腎藏受炁生炁循環噓吸玄府性命泉流潮液所繫願雙合宮使者溫和凝淳源本上出兩耳下迴玉海閉密中房隨節應會功成道泰傳以付肝心脾肺腎以次相連

今春夏秋冬季土王脾藏受炁生炁循環噓吸土府性命泉流潮液所繫願玉堂宮使者溫和凝淳源本上出口下迴脾中閉密中房

隨節應會功成道泰傳以付

季春付心脾肺腎肝以次相連季夏付肺腎肝心脾以次相連季秋付腎肝心脾肺以次相連季冬付肝心脾肺腎以次相連

又法季秋季冬用溫和凝淳春季夏季不須溫和二字也

次課四時請

春請四部啓明君夏請太微王華君秋請少昊金樓玉門君冬請大冥幽窮君今歲直神某從官如干人今月直神某從官如干人今日直神某從官如干人今時直神某從官如干人

歲直太歲神是今月直神甲巳之歲正月建丙寅二月丁卯以次盡十二月推之他皆效此乙庚之歲正月建戊寅二月巳卯丙辛之歲正月建庚寅丁壬之歲正月建壬寅戊癸之歲正月建甲寅依此推之即知月中六甲也

今日直神即上章日神也今時直神選用甲巳推之也甲巳之日平旦起丙寅乙庚

之日平旦起戊寅丙辛之日平旦起庚寅丁壬之日平旦起壬寅戊癸之日平旦起甲寅以此推之即知時中六甲也

次依四時送章付與玉童玉女

春付與青珪玉童青腰玉女夏付與赤璧玉童赤珪玉女秋付與素珪玉童素珪玉女冬付與玄素太晨玉童玄機玉女必使上達伏受玄恩

次上詣太上某官伏須告報

一日建玉曹赤虛宮二日太素曹太微宮三日太微曹比平宮四日都正曹太清宮五日正一曹通明宮六日玄一曹上明宮七日太素曹高靈宮八日靈集曹紫微宮九日丹靈曹待春宮十日太清曹武靈宮十一日三水曹素女宮十二日司錄曹巨野宮十三日清叙曹西明宮十四日玄正曹上絳宮十五日中都曹曲平宮十六日司非曹北府宮十七日司姦曹南真宮十八日統攝曹東明宮十九日統錄曹西靈宮二十日監考曹司命宮二十一日監司曹陽明宮二十二日典考曹



太陽宮二十三日司官曹少陽宮二十四日  
玄天曹太陰宮二十五日太玄曹少陰宮二  
十六日都司曹北辰宮二十七日都候曹太  
白宮二十八日直使曹林明宮二十九日司  
直曹諸陽宮三十日典考曹啓明宮

右一月之中三十日官曹上章日依此用  
之

又章頭若諸月官者故錄之卷後

正月太上虛无文人宮二月太上玄老仙都  
宮三月四月太上三天太清宮五月太上道  
靈宮一云重道宮六月七月太上九炁文昌  
宮八月太上天帝宮九月十月太上大道宮  
十一月太上侍中左右監神諸將軍宮十二  
月太上虛无文人宮與正月同閏月太上余  
單太歲宮

元辰章醮立成曆卷下



六十甲子本命元辰曆

階四

甲子本命王文卿從官十八人貪狼星元辰  
乙未杜仲陽十六人女癸巳史公來從官九  
人乙丑本命龍季卿從官十六人巨門星元  
辰甲午衛上卿從官十八人女丙申朱伯衆  
從官十四人丙寅本命張仲卿從官十四人  
祿存星元辰丁酉臧文公從官十二人女乙  
未杜仲陽從官十六人丁卯本命司馬卿從  
官十二人女曲星元辰丙申朱伯衆從官十  
四人女戊戌范少卿從官十人戊辰本命李  
楚卿從官十人廉貞星元辰己亥鄧都卿從  
官十三人女丁酉臧文公從官十二人己巳  
本命何文昌從官十三人女曲星元辰戊戌  
范少卿從官十人女庚子楊仲昇從官十七  
人庚午本命馮仲卿從官十七人破軍星元  
辰辛丑林衛卿從官十五人女己亥鄧都卿  
從官十三人辛未本命王文章從官十五人  
武曲星元辰庚子楊仲昇從官十七人女壬  
寅丘孟卿從官十三人壬申本命侯博卿從  
官十三人廉貞星元辰癸卯蘇他家從官十

一人女辛丑林衛公從官十五人癸酉本命  
孫仲房從官十一人女曲星元辰壬寅丘孟  
卿從官十三人女甲辰孟非卿從官十四人  
甲戌本命展子江從官十四人祿存星元辰  
乙巳唐文卿從官十二人女癸卯蘇他家從  
官十一人乙亥本命龐明心從官十二人巨  
門星元辰甲辰孟非卿從官十四人女丙午魏  
文公從官十六人丙子本命邢孫卿從官十  
六人貪狼星元辰丁未石叔通從官十四人  
女乙巳唐文卿從官十二人丁丑本命趙子  
玉從官十四人巨門星元辰丙午魏文公從  
官十六人女戊申范伯陽從官十二人戊寅  
本命虞子張從官十二人祿存星元辰己酉  
成文長從官十五人女丁未石叔通從官十  
四人己卯本命石文陽從官十五人女曲星  
元辰戊申范伯陽從官十二人女庚戌史子  
仁從官十三人庚辰本命尹佳卿從官十三  
人廉貞星元辰辛亥左子行從官十一人女  
己酉成文長從官十五人辛巳本命陽仲公  
從官十一人女曲星元辰庚戌史子仁從官